

翼嶺縣本高勾麗翼峴縣文縣一云伊新羅景

德王改今名為守城郡領縣顯宗九年置

縣令高宗八年以能禦丹兵陞襄州防禦

使四十一年降為縣令四十四年以降賊

又降為德寧監務元宗元年陞知襄州事

別號襄山有東海神祠屬縣一

洞山縣本高勾麗穴山縣新羅景德王

改今名為溟州領縣顯宗九年來屬

三陟縣本悉直國新羅婆婆王時來降智

新羅景王

證王六年為州置軍主景德王更今名為

郡成宗十四年改陟州團練使顯宗九年

降為縣令辛禡三年陞知郡事別號真珠

有太白山新羅擬五岳為北岳有黃池即洛東江之源

蔚珍縣本高勾麗于珍也縣一云古新羅

景德王改今名為郡高麗降為縣置今有

蔚陵島在蔚正東海中新羅時稱于山國

護王十二年來降太祖十三年其島人使

白吉士豆獻方物穀宗十一年王聞蔚陵

地廣土肥舊有州縣可以居民遣溟州道

監倉金采立往視采立回奏云島中有大

山從山頂向東行至海一萬余步向西行一萬三千余步向南行一萬五千余步向北行八千余步有村落基址七所有石佛鉄鍾石塔多生柴胡蒿本石南草然多岩石民不可居遂寢其議一云于山武陵本二島相距不遠風日清明則可望見

咸州大都督府以爲女真所據睿宗二年命元帥尹瓘等率兵擊逐三年置州爲大都督府號鎮東軍築大城徙南界丁戶一十九百四十八以實之四年撤城以其地還女真後又沒於元稱哈蘭府恭愍王五年收復舊疆爲知咸州事尋改萬戶府置

不
高麗書五十八
二十一

營聚江陵慶尚全羅等道軍馬防守十八年陞爲牧別號咸平要害處二咸關嶺府在北大門嶺在洪

英州睿宗三年置州爲防禦使號安嶺軍四年撤城以其地還女真後併於吉州

雄州睿宗三年置州爲防禦使號寧海軍四年撤城以其地還女真後併於吉州

吉州以爲女真所據號弓漢村睿宗三年置州爲防禦使六年築中城尋以地還女